

外科正宗花



重訂外科正宗卷之三

癰疽圖形第十五

癰疽等發三十圖

婦人等症四圖

嬰兒等症二圖

附外科諸症瘡名十律




此圖中... 癰疽... 瘡名... 十律... 附外科諸症...

武棟 巨



北京中醫藥大學圖書館版權所屬

外科正宗 卷之三



蓮子發形如蓮子頭多突起者是
也腫潰膿者生平塌陰陷者死

蜂窠發形如蜂窠頭含蜂子片片腐
爛孔孔流膿紅活者生黑陷者死



井疽心火妄動發之焮赤
高腫者生堅硬紫黑者死



井疽者心火妄動發之焮赤
高腫者生堅硬紫黑者死



玉枕疽膀胱溫熱凝滯而成紅腫者生紫陷者死

對心發心火沸騰溫熱凝之腫高腐潰者生軟陷紫黑者死



天疽此陽火熾盛發之紅赤高腫者生紫黑平陷者死



附骨疽初起入腿筋骨作痛久則
漫腫出膿黃稠者生氣敗者死



馬刀

氣瘦

癭瘰

淵疽

附骨疽

蛙節疔



對口太陽溫熱結聚而成高
腫易治



對口疔



此症發在腹高腫脹上無脈動則命危

失榮症生於耳前後夕
頭間初如痰核久則堅
硬漸大如石破後無膿
惟流血水堅硬仍作腫
痛異常乃百死生之症



橫疔
囊癰

手發背

失榮症

小科正宗

卷之三

五



耳後發有頭高腫者生無膿陰陷者死

耳後發



夕
卷之三
五



此物生於五穀之中，其味甘平，能補氣血，益精神，凡氣血虧損，精神不振者，服之立見功效。此物之性，溫和而不燥，滋潤而不膩，誠為補劑中之聖品也。



形如粟米色如紅棗者是也生此夏百不救

脫疽



肚癰乃飲食多煖厚味釀成紅赤
向腫潰爛者生此毒平場陰陷者死



脾肚癰

脾肚

人面瘡屢積業免得此
先宜修省後方醫治

人面瘡



小斗三宗
卷三
七



高腫為癰沉潰為疽
有膿者生無膿者死



上發背
中發背
下發背

附陰癰

八面癰



侵腦痘一

鳳眉疽

黑疔在耳竅內

肩風

馬刀瘡在鼻下





身癰疽一

穿骨疽

脫疽

蛇頭疔





胃口疽似在心胃之傍陽者有
頭陰者無頭乃飲食多薄所致



繭蚤

翻瘡

腸癰上

脇疽

毒

魚疽

陰疽

鶴膝風

穿踝疽

脚氣

腳氣背



上海中医药大学图书馆版权所有

唇疽在唇者頭腦起宜執交作曾經積毒所致


唇疽



流注

流注起於寒熱不調氣血凝滯塵





氣血未衰精氣神盛氣血

氣血








胃疽

合名疔名虎口

魚肚疔



小腸癰腹痠臍大者是也



南京中医药大学图书馆版权所有

銳毒發

腎俞發


委中毒

鶴疽

腎俞發

耳後一寸三分致命之處發之一名天疽

懸離正陰囊之後殼道之前結腫是也





外科正宗

魚腮



南京中医药大学图书馆版权所有



二癱又名殿肉癱

下馬癱

坐馬癱





透腦疽

氣癰

陰疽

咬骨疽

玄疽

穢疽



南京中医药大学图书馆版权所有

硬腫腐爛臭穢者是也

鼻疔







虎鬚毒

龍泉疽







棉花瘡即楊梅瘡是也



鈕扣風頸上如
癰作瘰者是也





乳岩穴似岩九邊腫若浮蓮真死倦



紅腫發熱疼痛者是也





堅硬腐爛者是也

此症其始發時...



赤遊丹紅如蠶形者甚也



走馬疳牙根黑腐臭爛者是也



癰疽諸症瘡名十律

其一

背之左右謂癰疽

蜂癰左右近喉嚨

左右兩肩名搭手

其二

流注牽藤六七成

陰疽大體近箕門

左為便毒右魚口

其三

肩下臙癰腋疔疽

三寸相離穿骨基

手膀肩臂亦相同

耳後右為銳毒看

井疽止發在中心

發於心上止臍平

穿踝疽穿股拐下

鶴膝風從膝眼成

肺疽居右癰居左

尖疽左耳後

脇疽生在脇臍下

腳氣原來腳底生

當脈脫疽君可記

蛾子喉風口內隨



首 胸

腎疽當腎生左右

三里穴發附陰疽

其離臍四寸為嚇癰

再高三寸號幽癰

四胸疽乳上心肺中

令谷一疔名虎口

腦後一疽名玉枕

莫作如常一樣同

其肩疽樂疽居右

石榴離肘上三分

五咬骨陰包穴上生

淵疽腎上腿附骨

人世毒瘡當切記

敢交患者即安生

其顴骨為疔唇上疽

鬢邊所發亦疽醫

六黑疔耳內不為奇

鼻内生疔當速療

眉毛癩疽能大毒

頰疔魚眼近腮齊

其馬刀癩癰氣癭瘡

一氣生來在頸項

七對口原來髮下藏

牙根唇上癰莫異

腸癰還從臍突起
蛇頭魚肚指頭逢

左立陰右福疽發

僕頂疽生腦頂門

眉中鳳眉防侵腦

透腦原來髮際基

虎毒龍泉唇上下

牙下生之疽一行



頂牙縫突為疔治

休作人間容易瘡

其心肝脾肺腎癰疽

當看胸中穴道醫

更有黃頭并白

八發無定處速如飛

左為坐馬右下馬

尾骨頭尖顛口

此物殺人能致命

火急攻醫切莫遲

其婦人之乳有數種

高腫為癰堅硬疽

還有乳岩真惡症

九腫如頑石破如墟

鈕叩之風生頸項

裙帶風瘡腳下需

又有溼賺瘡等疾

總生下腿上安居

其嬰兒走馬爛牙疔

黑腐沾開臭不堪

赤遊丹毒渾身到

十鵝口瘡苦滿口漫

風瘡奶癬多搔癢

血灌膿窠痛久安

還有心脾治熱症

口疳重舌一般看

重訂外科正宗卷之三終



重訂外科正宗卷之四

上部疽毒門

腦疽論第十六

夫腦疽者俗稱對口是也。但所發不同。其源有二。得於濕熱。或蒸從外感受者。輕。五臟蘊結。從內發外者。重。其理何也。濕熱之爲病。天行氣候。寒暑不調。節序溫涼。陰陽失度。凡有體虛者。易於侵襲。項後雖屬督脉。又主太陽。寒水司行之道。所有侵襲。氣血必凝。凝則後必爲腫。此從外感受者。其患初起。有頭多生正穴。三四日間。多作焮痛。始生寒熱。口和而乾。色紅根活。瘡勢漸高。形不散大。時止時疼。易膿易腐。飲食知味。起坐尋常。外勢雖可畏。而內無七惡之症。相干此屬陽症。其由從外來矣。故多不治可愈。所有五臟蘊結。而成者。重。其源有五。蓋心主血。故心緒煩擾。煽動不寧。以致火旺。

武棟



而沸騰行於項間與寒水交滯而為腫者一也。肝統筋故惱怒傷
 肝項乃三陽統筋之所。肝傷則血脉不潮筋無榮養凝結為腫。故
 項緊急強痛不能轉側其患未潰前肉色紫暗堅硬漫腫破流血
 水木痛無膿此等之症皆肝氣受傷者二也。脾主肌肉故思慮傷
 脾脾氣日損又或膏粱損胃汁乾枯以致中脘痞塞氣不運行逆
 於肉裏乃生壅腫其患外皮雖腐而內堅不潰口燥舌乾飲食不
 進根脚走散膿穢色敗此等之症皆脾氣受傷者三也。肺主皮毛
 故憂鬱傷肺肺傷則毛竅閉塞腠理不通氣不舒暢縱橫經絡結
 而為腫其形瘡多平陷色淡不華皮腐脂流形如湯瀝氣麤短促
 鼻齋鼻掀碌碌生痰殷殷發嗽此等之症皆肺氣受傷者四也。腎
 生骨髓故恣慾傷腎腎傷則真陰之氣敗矣真陰一敗相火自生
 此火最能自升自降或動或靜煎熬臟腑消燬津液更變形容改

換聲音瘡形紫黑。脉數乖度。煩躁口乾。隨飲隨渴。此等之症。皆腎氣受傷者五也。凡治此症。必內分虛實。外辨陰陽。體順天時。察其病理。七日以前。瘡勢未成者。當通竅以汗發之。七日已後。病勢已成。治當兼補以托之。此則毒不內攻。外無變症。如藥攻利太過。元氣受傷。毒多難出。又敷圍涼藥。氣血冰凝。則肌肉多死。反難腐潰。予嘗治此。及諸發背初起。未成者。用披針當頂點。入知痛處。出其惡血。通其瘡竅。隨插蟾酥條。直至瘡底。外用膏蓋。內服萬靈丹。或蟾酥丸。發其大汗。解散內蘊之毒。次日患上。或腫或不腫。或痛或不痛。仍插仍貼。直至患頂腫高。根脚突起。四圍列縫有膿。方住插藥。輕淺者。九日後。吐出病根。堅硬不化之物。毒甚者。不能頓然脫落。亦可漸腐成膿。為轉重就輕之良法。外用玉紅膏。長肉。內服補托收斂。其患不久自愈。如陽症輕淺者。候自腐潰。不用前法針刺。

如不腫不疼灸亦不痛陰症尤當速用不必遲延此為移深居淺
之大法也

腦疽看法

初起頂高根活色紅皮薄作疼焮熱腫不開散者順已成無論偏正
瘡形獻起疼痛發熱易膿易腐者順已潰膿稠肉色紅活痰腐易脫
焮腫漸消痛減者順潰後腐脫新肉便生瘡口漸斂凝結痂膿作瘻
者順初生一點黃泡或似疔瘰不腫不疼自不知覺者逆已成不發
高腫亦不焮痛瘡頂軟陷根腳平散者逆已潰膿清肉色紫黑外皮
不腐內生臭穢不食者逆腐肉雖盡新肉不生瘡口散大軟陷無神
色敗者逆

腦疽治法

初起膏頭或無頭大痛或不痛俱隔蒜灸兼服解毒已成堅硬發熱

焮痛口乾便秘者邪在內也宜泄之。墜腫不痛發熱惡寒頭疼四肢拘急者兼發表攻裏。腫硬日深形色紫黑外皮不腐內膿不潰宜行拔法。腫強頭面焮熱口燥惡心嘔吐者邪在上也宜清之。焮熱腫痛紅色光亮疼苦有時內膿脹痛者急開之。將潰不潰微熱微紅不作腐潰者脾胃虛也宜補之。潰後腐肉不脫膿水清稀腫痛仍作者當大養氣血大便多澇小便短澇自汗食少脉細身涼溫中健脾。

腦疽治驗

一男人項疽十餘日視其瘡勢頗甚根連左右耳項並腫紅赤焮熱脉浮而數先用黃連消毒散二服退其大熱根腳稍定後用托裏消毒散數服不覺腐潰但診脉浮無力詢知患者年過五旬久艱嗣息房中又有婢妾多人兼思慮勞慾太過損傷元氣故也又瘡形勢大止能起發不能培養為膿更用十全大補湯加桔槓白芷

倍人參白朮各三錢外用桑木灸法早晚二次灸之又塗紫雲膏
數日患者頭面俱腫雙目合縫形狀可畏然後腐潰並作膿出
至數升如此半月因前藥不勝其事內加煩躁不寧五心煩熱飲
食漸少等症此謂膿水出多氣血走泄爲虛火假症之故雖變不
妨隨用聖愈湯一服不應又進一服加熟附子二錢方應前症悉
退次以人參養榮湯加麥冬五味參朮常倍至三錢調理月餘後
至腦骨腐肉連髮片片脫下其狀狼狽不可觀瞻凡相視者無不
點頭驚訝又恐腐潰深大補不及事每日粥食中用人參三錢凡
食分入同煮食之以接補脾元後方元氣漸醒調理四月方愈彼
後一年反生其子以承後祀也

一監生項瘡初起請視瘡頭偏於右半不可輕待必用艾灸爲上隔
蒜灸至十五壯知痛乃住後彼視爲小恙失用內藥又四日其瘡

復作頸腫項強紅紫木痛便秘脈實有力以內疎黃連湯加元明粉二錢通其大便次用消毒救苦湯二服腫勢仍甚此內毒外發也不可再消之換服托裏消毒散至延二十日因患者肥甚外肉多繁不作腐潰予欲行針開放彼家堅執強阻豈後變症一出項悶昏憤人事不醒彼方驚悔隨用披針左右二邊併項之中各開一竅內有膿腐處翦割寸許頑肉放出內積癩毒膿血不止碗許內服健脾胃養氣血托膿補虛之藥其膿似泉流不歇每朝夕藥與食中共參六七錢服至腐肉脫盡新肉已生又至四十日外患者方得漸甦始知人事問其前由逕不知其故也此患設若禁用針刀不加峻補豈有生乎因其子在庠見識道理從信予言未百日而愈也

一男子項瘡五六日就肆看視頭便黃色根亦平散予曰此當急治

方可彼面色不悅而去又請里中一醫視之乃曰小恙也因喜其說用藥又至五日外其瘡勢堅硬根腳開大毒氣已過兩肩流注前項胸乳皆腫嘔吐惡心寒熱不食瘡熱形色俱覺可畏始信前言復請予治其瘡形狀不可觀也此非藥力可及先用葱艾湯洗淨舊藥連者藥筒拔提二處拔出瘀血碗餘隨用銀針斜斜插入根腳透通患底數處以蟾酥條插入孔內此最解毒為膿總以骨蓋走散處以真君妙貼散敷之日漸日消其毒收歸後項原處又兼服內托降火化痰之藥三四日候其大勢已退內膿已通換服十全大補湯凡堅而不化者照之腐而不痛者取之新血生遲者培之如此調理將近三月方得完口平復此為患者諱疾忌醫之過幾乎至於喪命者多矣

一女人年過六旬係宦族素稟怯弱項間患疽初起頭便如粟謂裏

可容谷之病也喜其形體不肥雖發之後必易於腐潰此則不妨
前說先用隔蒜灸之次用蟾酥餅貼灸上四邊以吸毒散敷之收
其根腳不散內服托裏消毒散敷服瘡勢堅硬疼苦不止予曰到
某日方止况今瘡不腐潰診其脉細數而無力此內虛之故不能
解毒為膿以疼為要豈可得止次換益氣養榮湯加角針白芷三
服腫亦漸起外用桑木灸法其堅漸軟膿出稠而不多前方去角
針白芷加香附倍用參芪又數服方得膿潰潰後痛亦不止予曰
再三日午後痛可止也至期腐肉將脫小半臨午用乳香定痛散
一服午後疼痛頓退安睡不醒愚家欣悅予曰不然此在用藥適
其時也雖半月之言應於今刻惟信則不失耳後當某日腐盡某
日肌平某日完口此二者患家以墨繩記侯期日果實並無過與
不及也此法要在眼力精巧量病難易新腐遲速補助有無用藥

合式然後相量日數可決於前發之必中也

一婦壯年項瘡三日其形徑對前口彼家相畏人胖不當瘡發此也予視頂高脚活雖發不妨彼欲內消之方安予曰藥消則不能針消則可取彼從之用披針當頂針入六七分點至軟肉方住隨去瘀血又以蟾酥條插入孔內服蟾酥丸得大汗而解次日瘡上微膿出之漸消尤恐內毒未盡又用消毒清熱之藥數服不出十日而安大抵凡欲消瘡先斷根本次泄毒氣使毒自表無得內攻為妙

一男子耳後生疽十餘日自謂小恙不治將近半月根脚漸大瘡頭惟流血水稀惡污穢四邊紫黑軟陷無膿面慘鼻揪手冷氣促診脉散大無根此內敗症也何必治之辭不用藥又延客醫治之因詢無事患者恨予不治凡遇親友勉力支持厲聲自厲決不甘死



予曰心不服死也再五日必死果然予嘗觀瘡但犯此症雖山
之軀一敗無不傾倒

一婦人正對口四五日自灸甘餘壯運不知痛灸疤焦黑平塌如故
診之脈微數而無力此內虛症也若假藥力則誤其事用披針
頂刺人寸許不知痛亦無血出此毒滯而未發揚者用蟾酥條插
入針孔每日一次膏蓋其上至七日後周圍裂縫出膿內服純補
之藥至十四日落出瘡根一塊指大長寸餘厚以玉紅膏平長肌
肉又半月其口已平以珍珠散摻上卽刻生皮而愈此症設若不
用針工專假藥力攻托雖不至死豈能得其速愈者哉

一婦人四旬肥甚項瘡五六日視之內腫瘡不腫必竟生疑恐又兼
口燥心煩堅硬色紫根腳散平六脈洪大此太過症也後必無膿
相辭不治彼又請醫視之有言外托者又言內消者有稱年壯不

妨又說脉大易治眾人紛紛不定仍各用藥又至七八日前後胸項俱腫木悶堅硬仍復請視決之予曰此不治者何也初起肉腫瘡不腫頂陷者一也根腳平散真氣內敗不能收束毒氣二也口燥心煩邪火內淫三也形色紫暗血死毒滯不作腐潰者四也大脉洪大瘡毒大盛正氣受尅無以抵當故瘡終變軟陷邪毒內攻而死者五也當備後事為要此終於二十七朝前後足矣後果至期而歿觀此言正順理之病可歎時人何為紛紛妄治也

腦疽主治方

黃連救苦湯

黃連救苦葛升銀羌活防風藥甘草等

柴芍芎歸翹梗苓腦疽煎服可安寧

治腦疽發鬢發頤及天行時毒初起增寒壯熱頭面耳項俱腫服之未成者自消已成者自潰

黃連

升麻

葛根

柴胡

赤芍

川芎



歸尾

連翹

桔梗

黃芩

羌活

防風

金銀花

甘草節

各一錢

水二碗煎八分臨服入酒一杯食後服

解毒天漿散

解毒天漿石決明連翹羌活乳香等

姜蚕山甲防風迎銀花歸尾大黃行

治腦疽積毒日深堅腫木硬口燥舌乾惡心煩渴六脉沉實有力

大便閉結不通者並宜服之

石決明生研姜蠶

川山甲土炒防風

連翹

羌活

乳香

甘草

金銀花

黃連

歸尾

各一錢

大黃

三錢

天花粉

新鮮未晒者四兩石白肉搗爛投水一碗攪勻絞去渣用

右花粉淨汁一碗半同藥煎至八分入酒一杯空心熱服行過三

次方用飲食忌食煎炒發物

丙托千金散

丙托千金散芍藥桂銀草天花粉

白芷芍藥防風桔梗痛加乳沒效堪推



北京中医药大学图书馆

治腦疽發背諸毒惡瘡已成不消者服之易潰

白芍

黃芪

川芎

當歸

防風

桔梗

天花粉

金銀花

人參各一錢

肉桂

白芷

甘草各五

乳香

沒藥二味痛甚加八

右水二碗煎八分臨服入酒一小杯食遠服

迴毒銀花散

迴毒銀花散最奇借問君家何等藥

癰疽陰毒總堪醫銀花甘草協黃芪

治腦疽及諸發陰瘡不起色變紫黑者急服之

金銀花

連枝葉二兩

黃芪四兩生切

甘草一兩切

用紹酒二十兩同藥入小口砂罐內密封重湯內煮盡三香為度

取起瀘清服之蓋暖患上其瘡漸漸高腫此轉陰為陽吉矣後用

托藥潰膿如服後不痛不起瘡頭流出黑水此真陰不治

梅花五氣丹

梅花五氣丹輕粉加上雄黃併血竭

乳沒辰砂時片酥此方原自出仙都



治腦疽發背諸般疔腫初起寒熱交作筋骨疼痛有似傷風惡心嘔吐但未成膿者並宜服之

梅花片五分當門麝五分輕粉

辰砂各六分乳香

沒藥

瓜兒竭各一錢明雄黃各一錢

真酥散預於端午前尋之至午日取酥二錢用頭男乳調膏

右前藥各研極細對準分數於端午日辰時製度候至午時將上藥九味和入蟾酥膏內向日丸之如茄子大一時內晒乾用川椒二十七粒燈心二十七段同藥收於磁罐內養之以蠟封口不泄藥氣為妙凡遇惡瘡大毒開器取出一枚先用美饌食飽次用無根水漱淨口內再含水一口少頃待溫用葱白五寸同水嚼爛下隨將藥餅安放舌下睡於暖處以被覆蓋藥化苦水徐徐嚥之瘡勢大者二三餅亦可藥盡其汗即到如淋諸病若失如冬月天寒難汗噲後將葱白湯催之亦妙凡治無有不効如暗疔人所不



知覺及知覺而失治者毒氣入裏人便昏沉一中便倒不能依法

服藥急用連鬚葱白七個煎酒一盃研藥五餅礮下藥氣到心

功如湯潑雪患者即便甦醒此為外科第一奇方也

小保安湯

小保安湯歸藿蘇
人參甘桔兼台朮

黃芪半夏麥冬陳
薑棗同煎病漸伸

治腦疽諸發已潰流膿時平常服之庶不更變

當歸

茯苓

川芎

黃芪

麥冬

陳皮

桔梗

人參

台朮

半夏

甘草

藿香

薑三片棗二枚水二茶鍾煎八分食遠服

大保安湯

大保安湯木附歸
黃芪山藥門冬草

參苓芎蒞桂丹皮
五味山萸熟地宜

治腦項諸發癰疽惡瘡大毒已潰之後膿水出多氣血虛弱精神

短少飲食少思坐卧不寧煩燥不眠晝則安靜夜則發熱及虛陽

煩渴等症



白朮

當歸

人參

茯苓

川芎

白芷

山萸

黃芪

山藥

丹皮

熟地

五味子

肉桂

甘草

麥門冬

熟附子

各五分

錢

煨薑三片大棗二枚蓮肉七粒水煎食前後服

陽春酒

一盞陽春酒罕稀
人參相子當歸遠

天冬、杞水地黃宜
百補方中讓此醫

治腦疽諸發已潰流膿腐盡時脾胃虛弱肌肉生遲或氣血原不足以致肉色淡白不能長發收斂宜服此酒生長肌肉強健脾胃美悅顏色滋潤皮膚凡大瘡後飲此不惟卻病亦且延壽

人參

白朮

熟地

當歸身

枸杞

栢子仁

遠志

各二分
錢

右藥用絹袋寬貯以無灰好酒五觔磁罐內浸至一伏時每早午晚各飲一杯熱服如夏月天炎易壞不堪久服將藥分作五分

外科正宗

卷之四

七



每次用酒一觔隨便浸服亦効如酒將完藥尙有味再添酒浸飲
之一次已後藥淡無味不必再浸用之

桑木灸法

治諸瘡毒堅而不潰潰而不腐新肉不生疼痛不止用新桑木長
七寸劈指大一頭燃着向患上灸之火盡再換每次灸木五六條
肉腐爲度

神妙拔根方治腦疽發背陰症初起不膿高不焮熱灸不疼其病將
來難治必致壞人十日以前用拔針當頂插入知痛處方止隨用
蟾酥條插至孔底每日二條膏蓋三日後加添插藥其根高腫作
疼外用神燈照法助陰爲陽插照七日其瘡裂縫流膿至十三日
其根自脫如日多根深蒂固不能脫者拔針取之內用玉紅膏不
脫者自脫不斂者自斂此法百人百活再無不愈者

腦疽應用方

隔蒜灸法

太乙膏

蟾酥丸

人參養榮湯

疔瘡論第十七

拔筒法

真君妙貼散

蟾酥條俱見疔瘡門

乳香定痛散

琥珀蠟礬丸

護心散方俱見腫瘍門

十全大補湯

聖愈湯方俱見潰瘍

夫疔瘡者乃外科迅速之病也有朝發夕死隨發隨死有三日五日而不死一月半月而終死此在於毒中之淺深臟腑之乖逆節候之寒溫肅殺之瞬息畜類口忤性情激變暴戾一時發生立判人之氣血虛者各隨臟腑而中之且如毒氣發於心經者生為火陷疔其患多生唇口手掌指節間其發初生一點紅黃小泡抓動癢痛非常左右肢體麻木重則寒熱交作頭暈眼花心煩發躁言語



昏憤此等出於心經之病也毒氣發於肝經者生爲紫燕疔其患
多生手足腰脇筋骨之間初生便作紫泡次日破流血水三日後
串筋爛骨疼痛苦楚重則眼紅目昧指甲純青舌強神昏睡語驚
惕此等出於肝經之病也毒氣發於脾經者生爲黃鼓疔其發初
生黃泡光亮明潤四邊紅色纏繞其患初生口角腮顴眼胞上下
及太陽正面之處發之便作麻癢繃急硬強重則惡心嘔吐肢體
木痛寒熱交作煩渴乾噦此等出於脾經之病也毒氣發於肺經
者生爲白刃疔其發初生白泡頂硬根突破流脂水癢痛驟然易
腐易陷重則腮損咽焦毛聳肌熱咳吐膿痰鼻掀氣急此等出於
肺經之病也毒氣發於腎經者生爲黑鷹疔其患多生耳竅胸腹
腰腎偏僻軟肉之間其發初生黑斑紫泡毒串皮膚漸攻肌肉頑
硬如釘痛徹骨髓重則手足青紫驚悸沉困軟陷孔深目睛透露

此等出於腎經之病也以上五疔相應五臟又紅絲疔起於手掌
節間初起形似小瘡漸發紅絲上攻手膊令人多作寒熱甚則惡
心嘔吐遲者紅絲至心當能壞人用針於紅絲盡處挑斷出血尋
至初起瘡上挑破俱用蟾酥條插入膏蓋內服汗藥散之自愈凡
治此症貴在乎早初起即治者十全十活稍遲者十全五六失治
者十全一二初起項以上者三陽受毒必用披針刺入瘡心四五
分挑斷疔根令出惡血隨用回疔丹或蟾酥條插入孔內膏蓋之
如項之以下者三陰受毒即當灸灸之不痛亦須針刺捕藥方
效隨後俱用蟾酥丸冬月萬靈丹發其大汗毒方得解庶不稽留
毒氣致生變症今人治法不論陰陽表裏部位上下凡見是瘡便
加艾灸殊不知頭乃諸陽之首亢陽熱極所致其形雖小其惡甚
大再加艾灸火益其勢逼毒內攻反為倒陷走黃之症作矣既作

之後頭面耳項俱能發腫形如尸狀七惡頓起治雖有法百中難保一二外又有疔名數種形狀紛紛故有舊說未及重錄也

疔瘡看法

初起如疥形如粉刺或小泡或疔瘡結腫不散者順瘡腫不作寒熱亦不惡心飲食有味手足溫暖者順形已成瘡腫肉不腫四圍白色多痛少癢作膿者順已潰出膿瘡仍高腫肉色鮮明根內紅活漸平者順初起似疔非疔軟慢灰色四邊瘡根平塌漫腫者凶未發前先作寒熱如瘡惡心不食後出瘡如蚊跡蚤斑或青紫黑泡軟陷無根腐爛深孔氣麤足冷者逆瘡形似魚臍頂色灰白軟漫相兼脉細身冷者多逆已成肉腫瘡不腫根腳走散瘡頂空腐血水氣穢死凡疔項之以上針刺不疼項之以下灸之不痛俱死已經走散頭面耳項俱腫煩躁脉細痰動喘急者死日久原瘡無跡走散之處仍復作膿



脉數唇焦終死病雖險惡歲運順者可活瘡雖微險歲運逆者當危

疔瘡治法

初生項之以上者必先針刺以去惡血庶毒不攻內初發項之以下者必先艾灸以殺其勢庶不侵良肉發熱惡寒身體拘急六脉緊數邪在表也宜汗散之身體發熱口燥咽乾脉實有力二便秘澀者宜下之針刺之後瘡不作腐邊腫不消仍加搗藥內亦補托初起悞灸致毒走黃不住者急當隨走處砭去惡血發熱乾嘔心煩作渴悶亂神昏解毒清心托裏護膜潰後氣血受傷神怯食少睡臥不寧助脾胃斂神氣將愈後氣血漸復飲食當進仍作渴者急滋養腎水

疔瘡治驗

一監生右顴下生疔三日形如魚目詢問起居但今麻癢不常此卽肺經受毒之症也用針刺入四五分其硬如骨有聲隨用蟾酥條



插至三日猶不腐化此堅頑結聚之病也此藥力不及其事換用
三品一條鎗插至七日用糊紙封蓋至十一日脫出疔根一塊
約有指許以長肉玉紅膏漸搽漸長先服托裏消毒散加金銀花
二錢白芷五分脫後用八珍湯加天花粉麥門冬黃芪陳皮各一
錢調理月餘候瘡生肉已平用珍珠散摻上結皮而愈

一監生中年妻喪繼娶幼室乃嬌態人也自服補腎助陽之藥以致
腎水受傷不能上制心火左癩發生一泡先紫後黑麻木不知痛
癢凡黑者腎經之毒也其毒豈淺且喜瘡之四邊尚未走散此猶
可取隨用針刺疔上量別藥不濟其事用冰蠶散厚糊作條插入
患孔用糊紙密封勿令泄氣朝服加減八味丸以滋腎水午服益
氣養榮湯接補真氣以滋不足晚用琥珀蠟礬丸護心解毒候至
十一日外疔根與藥結成一塊依期脫落次用生肌斂口補助調

理脾胃之劑二十日而愈後因此公不慎調理失於保節幾及三年復成虛損勞瘵而歿

一婦人年近四旬夫主不利愁鬱種種抱懷不散時值季夏歲荒之極腮發一疔六日後方延予視其時疔毒已經走散頭目唇項俱腫形色紫赤予曰肉腫瘡不腫乃疔毒走黃不治之症彼婦流涕歎曰一家皆絕也予問曰何其如此婦又曰吾夫乃不肖之人婦有一女二子俱未適配設若婦死寄托於夫子女日後必為流蕩輩也故婦在一家生婦逝一家死自然之理予時聞之沉吟不已如此何以得生不忍棄治況此瘡勢大又非藥力可回思之當先僱一貧人以飯食飽再用火酒數杯隨用針刺腫上十餘處令彼噙吸惡血數碗將溫湯洗淨用蟾酥錠磨濃塗之四圍敷金黃散早晚二次內以護心散臘礬丸清心護裏兼服降火化痰開鬱安

神之藥調治庶保不變吸血之後餘腫稍退又至六日夫又對言
何其不死彼婦相聞甚若暴怒之極仍又復腫比前尤甚也復用
針刺腫甚上約十餘處出血三四碗針孔上小膏蓋貼餘腫仍敷
其人出血多而其內必虛以人參養榮湯加香附貝母服數日後
針口漸膿餘腫漸消原瘡處復得高腫仍用蟾酥條搗化亦漸腐
潰外用生肌斂口內服開鬱和中養血健脾等劑調理百日外方
愈此病設若相論瘡勢形色者百無一生之理此功出於強勉行
之亦得其生者此婦愈後一子一女俱以婚配其夫亦守其終見
今已六旬半矣

一婦人二十二歲右耳垂向前一寸生疔二日請予視之形有豆大
頂陷灰色此肺經感毒發爲白刃疔也又驗其根腳綿軟毒不結
聚爲陷伏陰症也未及針刺伊舅曰何恙也予直告曰疔瘡症彼

聽冷笑不信是言也予因辭不用藥隨其信否彼復請客醫治之
視曰風熱疔瘡乃小恙也彼家告以某醫曾曰是疔瘡醫者
而笑曰此直胡說患家喜悅天下事太相懸絕醫用消風散藥
服毒氣全收隨發昏憤喘急而即死後里中人詢問何速之甚彼
初時因不信予言自悞其死真可惜也

一年少婦顴下生疔疔瘡作癢予欲針之彼家不信辭後自灸次日
四邊漸腫瘡漸軟陷又三日頭面大腫復請治之予觀原瘡灸上
已結黑腐乾陷無膿此毒氣內陷外肉已死又面目浮腫光亮發
熱形狀不堪此正氣衰而邪氣實也雖治亦不效後必終死彼家
方悔自悞之說後延半月果然歸陰

疔瘡主治方

蟾酥丸

蟾酥丸効獨稱雄
銅綠蟾酥寒水石

乳沒蟾蓉輕粉
蝸牛原麝共研

治疗瘡發背腦疽乳癰附骨髀腿等疽一切惡症反瘡不痛或麻木或嘔吐病重者必多昏憤此藥服之不起發者即發不痛者即痛痛甚者即止昏憤者即甦嘔吐者即解未成者即消已成者即潰真有回生之功乃惡症中至寶丹也

蟾酥 二錢 輕粉五分

枯礬

寒水石 煨 銅綠

乳香

沒藥

膽礬

麝香 各錢

雄黃 二錢

蝸牛 二十個 硃砂 三錢

以上各為末稱準於端午日午時在淨室中先將蝸牛研爛再同蟾酥和研稠粘方入各藥共搗極勻丸如菉豆大每服三丸用葱白五寸患者自嚼爛吐於男左女右手心包藥在內用無灰執酒一茶鍾送下被蓋如人行五六里出汗為効甚者再進一服修合

時婦人雞犬等忌見

黃連解毒湯

黃連解毒用連翹內熱口乾煩躁

黃栢山梔芩草調更加牛蒡寂然



治疔毒入心内熱口乾煩悶恍惚脉實者宜用

黃連 黃芩 黃柏 山梔 連翹 甘草

牛蒡子 各等分

冰二鍾燈心二十根煎八分不拘時服

立馬回疔丹 立馬回疔丹輕粉 雄乳硃砂金頂等

蟾砂蜈蚣白丁香 化并如雪去投湯

治疔瘡初起已用針刺後又或隕灸失治以致瘡毒走散不作乃

疔走黃險惡症也急用此插

蟾酥酒化 硃砂 各一錢 輕粉 白丁香 各一錢 蜈蚣 一條

雄黃 硃砂 各一錢 乳香 六分 麝香 一分 金頂砒 五分註未卷

共為細末糊成麥子大凡遇疔瘡針破用此一粒捕入孔內膏蓋

之次後追出膿血疔根為効

疔毒復生湯 疔毒復生湯牡蠣 花粉銀花黃皂刺

山梔乳沒骨連翹 木通牛子不相鍊



治疔毒走黃頭面發腫毒氣內攻煩悶欲死者

牡蠣 山柈 銀花 木通 連翹 牛蒡子

乳香 沒藥 角刺 花粉 大黃 地骨皮

水酒各一茶鍾煎一半食遠服不能飲者水煎臨服八酒一杯和

服亦効脉實便秘者加朴硝

七星劍 疔瘡最怕七星劍 蒼耳麻黃菴蒼草

野菊河車與蒂丁 諸疔斬斷號神靈

治十三種疔瘡初起增寒作熱惡心嘔吐肢體麻木痛癢非常心

煩作躁甚者昏憤急宜服之

野菊頭嫩 蒼耳頭 菴蒼草 半枝蓮 蒂丁草 各三錢

麻黃 二錢 草河車 二錢

用好酒一觔煎至一碗瀘清熱服被蓋出汗為度冬月無鮮草宜

預採陰乾臨時煎服之亦効



鉛粉散

鉛粉散治疥疥瘡
輕粉黑鉛澄黑粉

麝香松脂及黃丹
諸般陰爛可回陽

治治疔生於腳上初起紫白泡疼痛徹骨漸至腐爛深孔紫黑血

水氣穢經久不瘥用此大効

黑鉛四兩鐵杓化開傾入水中取起再化如
此百漏以鉛盡為度取水澄下者三錢

黃丹飛炒五分輕粉五分麝香一分

共研先用葱湯洗淨麻油調塗瘡口油紙蓋外

化疔內消散化疔內消散山用
甘草白芨乳河車知貝知貝天花粉半夏
皂角銀花赤芍藥

治疔瘡初起或已針已灸之後服之能合內消

皂角針 金銀花 知母 貝母 天花粉 穿山甲

白芨 乳香 赤芍 半夏 甘草 草河車錢

水酒各一茶鍾煎一半量病上下食前後服之

東毒金箍散東毒金箍散大黃
黃柏鬱金輕豎粉白薇白芨白芷當
敷圍諸毒不開張



治疔瘡針刺之後餘毒走散作腫宜此藥縮之

鬱金蟬肚者

白芨

白朮

白芷

大黃各四兩

黃柏

麻

輕粉五錢

藜豆粉一兩

共為細末酸米漿調縮四邊夏熱甚者蜜水調

解毒大青湯

解毒大青湯石膏麻施木桔燒人糞

元參知母麥冬饒加上人中黃更高

治疔瘡快灸逼毒入裏致生煩躁譫語不定者

元參

桔梗

知母

大青葉

升麻

石膏

山梔

人中黃

麥門冬

木通各一錢

大黃便秘加

燒人糞

水二茶鍾淡竹葉燈心各二十件食遠服

消疔簡便方

消疔簡便方容易每服三錢溫酒下

葱白原來其白礬如湯潑雪勝靈丹

治疔瘡及諸惡毒初起但未成膿者服之即効

白礬末三錢

葱白七莖



右二味同搗極爛分作七塊每塊用熱酒一杯送下服畢用厚被蓋之再啜葱白湯二鍾少頃汗出如淋從容去其覆物其痛著脫此雖味澁難服其効更妙凡居鄉村之處倘有緊病不及請治只傳此方服之活人甚眾誠為良便方也

太乙紫金丹

太乙紫金丹麝香
硃砂大戟干金

茨菇文蛤共雄黃
百症諸瘡應手

解諸毒療諸瘡利關竅通治百病此藥真能起死回生製之濟人奇効不可盡述凡居家出入與大工動大兵及閩廣雲貴仕宦者不可無之

山茨菰

洗去毛皮
淨焙二兩

川文蛤

一名五倍子
破淨焙一兩

麝香

揀淨毛皮乾
者研淨三錢

干金子

一名續隨子在
白者去油一兩

紅芽大戟

杭州紫大戟為上江南次
之北方綿大戟色白者性

烈峻利損傷元氣弱人服之有致吐血慎之勿用取
杭州之上品者去蘆根洗淨焙乾為末一兩五錢整

硃砂

極細末三錢
有神氣者研

雄黃

鮮紅大塊者
研細末三錢



以上之藥各擇精品於淨室中製畢候端午七夕重陽或天月德
天醫黃道上吉之辰凡入室合藥之人三日前俱宜齋沐更換新
潔衣帽臨日方入室中淨手薰香預立藥玉牌位主人率眾焚香
拜禱事畢各將前藥七味復等稱準入於大乳鉢內再研數百轉
方入細石臼中漸加糯米濃飲調和軟硬得中方用杵搗千餘下
極至光潤爲度每錠一錢每服一錠病勢重者連服二錠以取通
利後用溫粥補之修合時除合藥潔淨之人餘諸忌見此藥惟在
精誠潔淨爲効治一切飲食藥毒蠱毒瘴氣惡菌河豚中毒自死
牛馬猪羊六畜等類之肉人悞食之必昏亂卒倒或生異形之症
並用水磨灌服或吐或瀉其人必甦南方山巒瘴氣烟霧癘疫最
能傷人感之纔覺意思不快惡寒惡熱欲嘔不嘔卽磨一錠服之
得吐利便愈癰疽發背對口疔瘡天蛇無名腫毒蛙節紅絲等疔

及楊梅瘡諸風癰癩新久痔瘡並用無灰淡酒磨服外用水磨塗
擦瘡上日夜數次覺癢而消陰陽二毒傷寒心悶狂言亂語胸膈
塞滯邪毒未出瘟疫煩亂發狂喉閉喉風俱用薄荷湯待冷磨服
赤白痢疾肚腹瀉泄急痛霍亂絞腸痧及諸痰喘並用薑湯磨服
男子婦人急中顛邪渴叫奔走鬼交鬼胎鬼氣鬼魘失心狂亂羊
鬼豬顛等風俱用石菖蒲煎湯磨服中風中氣口眼歪斜牙關緊
急言語蹇澀筋脈攣縮骨節風腫遍身疼痛行步艱辛諸風諸癩
並用酒磨頓熱服下自縊溺死驚死鬼魅迷死但心頭微溫
未冷者俱用生薑續斷酒煎磨服一切惡蛇風犬毒蝎溪澗諸惡
等蟲傷人隨卽發腫攻注遍身甚者毒氣入裏昏悶响叫命在須
臾俱用酒磨灌下再啣葱湯一碗被蓋出汗立甦新久瘧疾臨發
時東流水煎桃柳枝湯磨服小兒急慢驚風五疳五痢脾病黃腫

癰癤瘡瘤牙關緊閉並用薄荷浸水磨濃加蜜服之仍搽腫上年
歲幼者每錠分作數服牙痛酒磨塗痛上仍含少許良久嚙下
見父母遺毒生下百日內皮煬爛斑穀道眼眶損爛者俱用精水
磨塗打撲損傷松節無灰酒研服年深月近頭脹頭疼太陽痛極
偏頭風及時瘡愈後毒氣攻注腦門作脹者俱用葱酒研服一錠
仍磨塗太陽穴上婦女經水不通紅花湯下凡遇天行疫症延街
及巷相傳遍染者用桃根湯磨濃搭人鼻孔次服少許任人病家
再不傳染又治傳尸勞瘵諸藥不能禁忌一方主指家服此每早
磨服一錠至三次後逐下惡物尸蟲異形怪類後得脫利以此相
傳活人不計其數一女子久患勞瘵爲屍蟲所噬磨服一錠片時
吐下小蟲十餘條後服蘇合香丸其病頓失調理月餘而愈真濟
世衛生之實藥也

人參清神湯

人參清神湯米芩柴陳遠志黃連等

歸苓甘草麥冬骨功効須同地骨皮

治疔瘡潰膿後餘毒未盡五心煩躁精神恍惚不寧言語睡臥清服之降火清心保扶元氣

人參

黃芪

當歸

白朮

麥冬

陳皮

茯苓

地骨皮

遠志各一錢

甘草

柴胡

黃連各五分

水二茶鍾糯米一撮煎八分食遠服

丙托安神散

丙托安神散術茂麥冬五味菖蒲草

茯神酸棗志陳皮加上人元參又奇

治疔瘡針後已出膿時元氣虛弱睡臥驚悸心志不寧或毒未盡流入心竅致生健忘亦宜服

人參

茯神

黃芪

白朮

麥冬

元參

陳皮各一錢

酸棗仁

遠志

甘草

石菖蒲

五味子各五分



水二鍾煎八分臨入硃砂末三分和勻食遠服

疔瘡應用方

蟾酥條即前蟾酥丸作條捏餅用之

琥珀蠟礬丸

玉紅膏

如意金黃散

護心散

托裏消毒散見腫瘍門

八珍湯

益氣養榮湯

加減八味丸

人參養榮湯見潰瘍門

珍珠散下疳門

冰蟬散瘰癧門

脫疽論第十八

夫脫疽者外腐而內壞也此因平昔厚味膏粱薰蒸臟腑丹石補藥

消燬腎水房勞過度氣竭精傷或兼房術淫精霸道藥噙舌下化

水直至丹田或納臍中使熱徑投內腎為丸掌握作香鼻息塗抹

陰鼎或擦陽器圖使堅硬希求常濟多致陽精燭惑淫火猖狂其

蘊蓄於臟腑者終成燥熱火症其毒積於骨髓者終為疽疔陰瘡



誠爲巧人行拙誰防禍起蕭牆智者多愚自謂喜從天降不顧後日也骨枯髓涸臟敗腑亡方知今日罹殃有故解脫無方凡患此者多生於手足故手足乃五臟枝幹瘡之初生形如粟米頭便點黃泡其皮猶如煮熟紅棗黑氣侵漫相傳五指傳遍上至腳面其疼如湯潑火燃其形則骨枯筋練其穢異香難解其命仙方難活故謂血死心敗筋死肝敗肉死脾敗皮死肺敗骨死腎敗此五敗者雖有靈丹竟喪命而已是生此疾者死生付於度外孫真人曰在肉則割在指則切卽此病也治之得早乘其未及延散時用頭髮十餘根纏患指本節盡處透扎十餘轉漸漸緊之毋得毒氣攻延良肉隨用蟾酥餅放原起粟米頭上加艾灸至肉枯瘡死爲度次日日本指盡黑方用利刀尋至本節縫中將患指徐順取下血流不住用金刀如聖散止之餘腫以妙貼散敷之次日倘有黑氣

未盡單用蟾酥錠研末摻之膏蓋黑氣自退患上生膿照常去用
五紅膏等藥生肉護骨完口此為吉兆內服滋腎水養氣血健脾胃
安神之劑若內無變症外無混雜此十中可保其三四矣若割取
之後黑色仍漫痛腫尤甚敗惡無膿口乾舌硬精神不爽食不知
味者終死凡治此不可一日醫治必與高明眾議聽患者願情割
取況此症首尾吉凶變駁難定故不可輕易用之又有形似而來
非穴真而受異詳註在後宜參觀之

脫疽看法

起瘡不渴口潤舌和性志尋常無妄暴急循禮為吉初出形如麻子
焮熱作痛一指皆腫根腳收束者吉已成頭復作腐肉不紫黑疼痛
有時膿出腫消者吉已潰先膿後腐肉色紅活毒不走散氣不腥穢
者吉未瘡先渴喜冷無度昏睡舌乾小便頻數腸痿者逆初氣形如

粟米肉便紫色不腫刺疼黑氣延散者逆已成瘡形枯蟹肉黑皮焦痛如刀剗毒傳好指者逆已潰肉枯筋腐血水臭汗疼苦應心寒在徹骨者逆

脫疽治法

脫疽多生足指少生手指初起水窠黃泡者即灸之初生如粟裏可容谷皮色紫赤不作焮腫髮扎仍灸已灸之後瘡受火氣發泡作膿外藥箍之內兼補托毒勢已成瘡形稍陷但紫色未攻腳面者評議割取既割取之後血水淋漓疼痛不減和氣血補脾胃已成飲食減少身體倦怠便數口乾滋津液壯腎水破後氣血受傷脾胃虛弱自汗盜汗惡心乾嘔睡臥不寧日晡發熱疼痛苦楚煩悶譫妄俱宜大補氣血富貴及膏粱素饜色慾每於房術縱恣日久禁行割法

脫疽治驗



一男子年近五旬右足小指初生如粟米漸成白泡三日始痛請治頭已腐爛一指紫腫此脫疽也隨用艾火明灸十三壯始大痛乃止又用針刺灸頂以蟾酥餅貼灸上膏蓋本指腫上用披針擊刺七八處發泄毒血用蟾酥錠磨濃塗之腫外以真君妙貼散敷護良肉庶不外侵其時患者脉數身發寒熱惡心體倦先用人參敗毒散解其表症次用黃連內疎湯通其大便而惡心煩熱亦止又以托裏消毒散加金銀花牛膝數服早以八味丸晚用蠟礬丸相兼服之喜其火疎毒氣隨又針刺並泄其毒故不變作解毒爲膿腫方不散後用十全大補湯加山萸五味麥冬等藥調理月餘而愈此疽若不針灸發泄毒氣專假藥力敷圍再加峻藥攻利必致傷其元氣豈能保固毒不侵犯得安之理

一客商右足次指生一紫泡癢痛異常次白指用俱紫欲黑視之乃



肝腎二經之毒彼曰何別也予曰甲乃肝之餘氣甲紫則肝受毒也骨乃腎之餘腎傷則骨黑此理甚明彼又曰何以致之予曰凡人勞疲筋力傷於肝悞服執藥傷於腎傍者曰情實有此因彼人居客邸交結私妓情懷最密極力承奉但夜並服興陽細丸期許常至立交戲謔有此二年矣前言正中其病此勞力執藥傷腎傷筋之實也其病尤險欲辭不治彼哀告客途欲得生返再三求治予又斟酌先取妓者頂髮十餘根撚線纏扎患指盡處隨將艾炷安於所扎土面紫色處排勻三處每灸七壯各放蟾酥餅膏蓋次後脹痛稍忍不捨解去扎髮過夜一指皆黑相量筋骨皮肉俱死仍用利刀順節取脫患指乃冰冷惡物預煎甘草湯浸洗良久候瘀血稍盡以止血散摻之次日灸上紫色不退恐其上延又以神燈照法照之候血散皮縐旋合蟾酥丸料多加海羊研爛敷之早

晚二次腫不復作紫色變紅紅色潰膿外用生肌止痛活血收斂
之藥又熬參朮地黃膏朝服接補真元午服健魄藥以固胃氣晚
用金液丹以解藥毒如此調理三月而愈後人問之用妓者頂髮
扎之何也予曰彼之頂髮乃心契之物也以髮靠肉雖疼而不疼
彼又如在目前此釋情之意也

一婦人中年肥胖生渴三載右手食指麻癢月餘後節間生一小泡
隨後本指漸腫疼脹不堪視之原泡處已生黑斑半指已變紫黑
此亢陽之極乃成脫疽診之脉洪大數而有力此與肥人相反如
再黑色上延壞人迅速詢問此婦先居富室無嗣每縱營梁架烘
爐炭又兼多服種子熱藥中年喪夫家業盡被嗣人侵費致久懷
憂鬱後與寡母同棲身耽寂寞此先富後貧所願不得又爲失榮
症也辭不可治彼婦母子再三哀懇予亦無之奈何乃遵孫真人

治法在肉則割在指則切此外無他彼願從之先服人參養榮湯
隨用軟絹條尺許纏裹黑色盡處好肉節上以漸收緊扎之庶不
通行血絡次用利刀放準依節切下將手隨浸甘草溫湯中其時
其血不大多其疼亦不大甚患者曰惟心之懼不知而下以神丸
之佑也予曰所嫌者切而不痛此爲氣血筋骨俱死此物雖脫其
症未可得愈每以八味丸料加人參麥冬大劑煎服先救腎水次
扶脾胃間用金液戊土丹以解藥毒後三日所扎指上漸漸放鬆
以通血脉搽貼紅黑二膏生肉止痛次後手背手掌日漸發腫勢
惡之甚惟不黑色此內毒已出之故仍用神燈照法兼以猪蹄湯
淋洗後又腫上皆出數頭流去膿血不計其許兩月外方得原腫
稍退膿穢稍減又以參朮膏人參養榮湯兼服半年外方安其婦
雖活五指失矣

一男僕冬月嚴寒主使赤足履地不敢移隨後血麻木次日十指俱紫又數日全變黑色麻木不痛請視之強用辛熱散寒活血藥洗等藥終至不應後必十指齊脫又延黑腳面骨節一段甚作疼痛彼主恐脫疽也予曰似是而來非後必不妨令患者常用桑木火灸之取其溫暖活血又能解散鬱毒其患漸腐漸脫自不走散內服健脾養血之藥調理外用生肌紅黑二膏培長肌肉百日外愈矣

一侍女年十二歲容貌頗通新主嫌其腳大用腳布任意纏緊以線密縫其腳脹痛不堪訴主不聽至半月後流出臭水方解視之其雙足前半段盡皆黑腐請視之骨肉已死予曰此已壞者不能復活只救將來未壞者可也先煮麥粥食之次煎葱湯令彼家侍婦將患足浸入湯內沐洗再換湯浸但腐肉不痛者逐一剪割連續



知痛者又以花蕊石散擦之保將患者復其生已壞者得其脫內服補中益氣湯接其勞外擦生肌玉紅膏長其肉後雖得愈但二者俱致疲疾終身此為穴真而受異也

一男人右足小指縫中初生一點黃粟泡皮肉隨變紫色陰疼不腫當如刀刺視其形色真脫疽也診其脉又得細數無力此腎經傷敗症也但患者生平大飲內有正副三人此必精力已竭縱治無功予起辭之後必延至腳面足底皆穿痛徹不已又飲食日少氣血日衰形體日削一月後百苦而終

脫疽主治方

解毒濟生湯

解毒濟生湯
知栢二花併遠志

花粉柴芩神麥
犀角升麻牛膝同

治脫疽初起惡寒體倦發熱作渴或腫或紫或麻或痛四肢倦怠心志恍惚不寧者並宜服之



川芎

當歸

黃栢

知母

天花粉

金銀花

麥冬

遠志

柴胡

黃芩

犀角

茯神

甘草

紅花

升麻

手指加

牛膝

足指加各五分

水二鍾煎八分臨服人童便一杯隨病上下服

陰陽二氣丹

陰陽二氣麥天冬澤瀉瀉辰砂礬五味

片栢元參青黛同人由甘草解煩癰

治脫疽久服丹石補藥致虧腎水多成口燥咽乾至飲冰雪不知

其冷此孤陽獨旺宜服此解

天冬

搗膏

麥冬

搗膏

五味子

炒研

黃栢

人中白

小兒溺者生用研

元參

湯泡去麤皮搗膏各一兩

青黛

色嬌嫩者

甘草

枯礬

辰砂

為衣

澤瀉

各三錢

冰片

一錢

各為細末同元參二冬膏子加煉蜜少許再搗干餘下軟硬得中

丸如桐子大每服六十九童便乳汁各一鍾空心送下安睡一時



其功如神

清神散

清神散內用硃砂解毒惟於甘草節

豈粉梅花來黃妃諸瘡煩嘔自然瘥

治脫疽疔瘡發背毒積甚者腠理發越不盡多致煩躁悶亂睡則謔言嘔吐不食者並宜服之

甘草節

錢五

菘豆粉

兩

劈砂

錢三

梅花片

分五

牛黃

分三

右為細末每服一錢淡竹葉燈心湯調服

雌雄霹靂火

雌雄霹靂火純陽陰毒陰疽陰發背

斬艾雙黃下麝香逢之一灸自回陽

治脫疽及一切發背初起不疼痛者並宜灸之

艾茸

錢二

丁香

雌黃

雄黃

各二

麝香

錢一

右四味共研極細搓入艾中作窠豆大丸放於患上灸之母論痛癢以肉焦為度如毒已經走散就紅暈盡處排炷灸之痛則至癢癢則至痛為妙灸後仍用提疔麥子貼土膏蓋次服蟾酥丸及解



毒濟生湯兼治轉回活色有膿為妙

金液戊土丹

金液戊土丹五味砂雄硝連烏梅箔

半黃神志石菖蒲米片麝人中黃不殊

治脫疽及疔瘡發背縱食膏粱厚味法酒又或丹石補藥勉力房勞多致積毒臟腑又則胃汁中乾腎水枯竭不能上制心火以致消渴消中消腎饒飲多乾能食多瘦九竅不通驚悸健忘此症若出後必發疽多難治療宜預服此亦可轉重就輕移深居淺又解五金八石之毒藥也

人中黃

法在卷未

烏梅肉

茯神

胡黃連

五味子

各一兩

石菖蒲

辰砂

雄黃

遠志

硝石

各三錢

牛黃

冰片

各一錢

金箔

二十為衣

各為淨未配准前數共入乳鉢內再研百轉於端午七夕或二至二分吉辰在淨室中先將烏梅地黃二膏搗極爛和藥漸加煉蜜



少許徐徐添搗軟硬得中每藥二兩分作十丸金箔為衣每服一丸用人乳童便共一大杯化藥隨病上下食前後服之此藥最解膏梁金石藥毒殺三口除勞熱極有奇功又治煩顛主安神志辟瘴辟瘟及諸邪魅譫語忘情失心喪志者俱效修合之時服藥之際俱忌婦人僧尼孝服雞犬等見之此藥用蠟封固收藏不泄藥味愈久愈效

脫疽應用方

針刺法

蠟蟻丸

直君妙貼散

玉紅膏

參木地黃膏

蟾酥丸

神燈照法

內疎黃連湯

托裏消毒散

人參養榮湯

蟾酥餅

見疔瘡門

太乙膏

猪蹄湯

十全大補湯

補中益氣湯

加減八味丸 見潰瘍門

花蕊石散 見金瘡門

桑木灸法 見腦疽門

入喉救毒散 見時毒門

